



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-3-40-496-4/23**
Datum: **28.12.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «NAHA» d.o.o. Vareš za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije pogona za preradu drveta u naselju Dabravine, općina Vareš, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, i 48/99 i 61/22), donosi

R J E Š E N J E **o vodnoj dozvoli**

1. Pravnom licu, «NAHA» d.o.o. Vareš daje se vodna dozvola za ispuštanje tehnoloških otpadnih voda u prirodni recipijent sa lokacije pogona za preradu drveta, izgrađenog u naselju Dabravine, na zemljištu označenom kao k.č. broj: 324, 794/2, 272, 273/1 i 273/2 K.O. Dabravine, općina Vareš.
2. Ova vodna dozvola se odnosi isključivo za ispuštanje tehnoloških otpadnih voda u prirodni recipijent sa lokaliteta objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska/gradska služba u skladu sa članom 139. stav (2) tačka 1. i 2. i stav (3) Zakona o vodama.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 3.1. Da se upotreba i korištenje predmetnog proizvodnog pogona za preradu drveta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se onečišćene vode od pranja trupaca nesmetano sakupljaju i odvođe do taložnika sa prelivom u rijeku Stavnju.
 - 3.3. Da se vrši redovno održavanje ispusta, dijela obale i korita rijeke Stavnje i potoka Žahlja kao i pristupa mjestu na kojem se nalazi ispuštanje otpadnih voda iz predmetnog kompleksa.
 - 3.4. Da se prikupljanje i privremeno skladištenje piljevine i otpadaka od drveta iz procesa prerade vrši na način da se onemoguću njegovo rasipanje po okolnom terenu.
 - 3.5. Prečišćene tehnološke vode moraju ostati u maksimalno dopuštenim granicama definiranim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Objekte čija je svrha odvođenje i prečišćavanje tehnoloških otpadnih voda (taložnik, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Korisnik je obavezan da redovno vodi dnevnik o pražnjenju i odvozu sadržaja taložnika.
 - 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.8. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Piljevina, drveni otpad kao i ostali otpad koji nastaje na predmetnom lokalitetu ne smije se odlagati na česticu «vodno dobro», odnosno u vodotok i na njegove obale.
- 3.11. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda (tačka 25. tabele) te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «NAHA» d.o.o. Vareš obratilo se ovoj Agenciji dana 13.11.2023. godine sa zahtjevom za donošenje rješenja o vodnoj dozvoli za pogon za preradu drveta izgrađen u naselju Dabravine, na zemljištu označenom kao k.č. broj: 324, 794/2, 272, 273/1 i 273/2 K.O. Dabravine, općina Vareš.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 043-0-Reg-19-001260 od 16.12.2019. izdatog od Općinskog suda u Zenici,
- Ovjerena kopija Uvjerenja o poreznoj registraciji izdatog od Porezne uprave Federacije BiH- Kantonalni ured Zenica od 26.02.2009.,

- Ovjerena kopija uvjerenja o registraciji/upisu u Jedinostveni registar obveznika indirektnih poreza broj: 04/1-UPP/1-7620/07 od 01.08.2007. godine, izdatog od Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-7551/14 od 26.11.2014., izdatog od Službe za statistiku Zeničko-dobojskog kantona,
- Dokaz o uplaćenju upravnoj taksi,
- Ovjerena kopija Rješenja o davanju saglasnosti za obavljanje djelatnosti rezanja drveta broj: 04-34-1309-7/00 od 19.03.2001. izdatog od Ministarstva za privredu Zeničko-dobojskog kantona,
- Kopija Rješenja o upotrebi građevine broj: 12-23-405/05 od 23.03.2005. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju za upotrebu broj: 03-1710/96 od 20.01.1997. godine izdatog od Sekretarijata za opštu upravu Općine Vareš,
- Kopija Rješenja o okolinskoj dozvoli broj: 12-23-8146/18 od 11.02.2019. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-543-4/18 od 23.11.2018. godine izdatog od «Agencije za vodno područje rijeke Save» Sarajevo,
- Izvještaj o monitoringu kvaliteta i kvantiteta otpadnih voda pogona za preradu drveta «NAHA» Vareš, broj: 1540/22., novembar 2022., urađen od «Inspekt-RGH» d.o.o. Sarajevo (na uvid),
- Glavni-izvedbeni projekat – pilana šifra: ZOZ32Z20, oktobar 2000., urađen od IP «KRIVAJA» d.d. Zavidovići (na uvid),
- Glavni (projekat izvedenog stanja) šifra: ZOZ17Z98, april 1998., urađen od IP «KRIVAJA» d.d. Zavidovići (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-496-3/23 od 21.12.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Lokacija privrednog kompleksa zauzima prostore na lijevoj i desnoj strani saobraćajnice R-444 Breza Vareš. Kroz proizvodni kompleks protiče potok Žahlja.
- Proizvodni kompleks čine sljedeći sadržaji: stovarište oblovine, pralište trupaca sa taložnikom, pogon za pilansku preradu drveta, uredski prostor, pogon za polufinalnu i finalnu preradu drveta (proizvodnja lameliranih profila i građevinske stolarije), tri sušare, kotlovnica, stovarište rezane građe, stovarište gotovih proizvoda, silosi za piljevinu, furnirnica, peletarnica te radno-manipulativne površine.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-I/25-3-40-543-4/18 od 23.11.2018. godine. U toku uviđaja utvrđeno je da nije bilo izmjena u odnosu na naprijed navedenu vodnu dozvolu.
- Kapacitet proizvodnje je do 7.500 m³ oblovine na godišnjem nivou. Trenutno se obradi cca 3.500 m³ oblovine/god.
- Piljevina iz procesa proizvodnje prikuplja se zasebnim sistemom otprašivanja u silose. Piljevina, okorci i drveni otpad se koriste za proizvodnju peleta te u vlastitoj kotlovnici za tehnološke potrebe i zagrijavanje objekata.
- Sanitarno fekalne otpadne vode ispuštaju se u septičku jamu sa prelivom u rijeku Stavnju.
- Tehnološke otpadne vode koje nastaju od povremenog pranja trupaca odvođene se do taložnika sa prelivom izbistrene vode u rijeku Stavnju.
- Oborinske vode sa krovova objekata te radno-manipulativnih površina se slobodno slivaju na okolni teren.
- Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda pogona za preradu drveta «NAHA» Vareš, novembar

2023., urađen od «Inspekt-RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «NAHA» d.o.o. Vareš ispunio minimum uslova za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije pogona za preradu drveta izgrađenog u naselju Dabravine, općina Vareš, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-496-2/23 od 27.11.2023. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 08/00, 45/10 i 43/13).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte +ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Sanja Miličić, građ.ing.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- «NAHA» d.o.o. Vareš
- Dabravine bb, 71330 Vareš
- AVP Sava, ISV-vodna knjiga
- Sektor 50
- Ⓢ Sektor 40 – arhiva
- Oglasna ploča – AVP Sava